

Nuttata di smanii

'Sta notti 'un potti chiùdiri occhìu,
avia li smanii 'nta lu me corpu,
mi vutava e mi svutava,
la testa mi iva di ccà e di ddà,
lu cori mi purtà nni tia
bedda nicuzza mia.

Nuttata di smanii,
pinzannu ca oi m'arrigalasti
tecchia di la tò cumpagnia,
tecchia di lu tò profùmu.
Chistu tecchia m'abbastà e capivu
ca cci sugnu, sugnu ancora vivu.

Nuttata di smanii,
pinzannu d'èssiri cu tia
d'avìriti stritta a mia,
mentri nni taliamu 'ntà l'occhi
e nni tinemu stritti pi manu,

t'avissi vulutu diri ti amu.

Pirchì 'un ti lu dissi!
Pirchì 'un ti lu dissi!
Ti dissi però, taliannùti 'nta la vucca
ca ti vogliu beni assà, anzi chiossà,
a vuci stritta mi rispunnisti,
ca 'stu beni chi ti vogliu lu capisti.

Nuttata di smanii,
pirchì 'un sacciu lu to cori
si senti quarcosa pi mia
si li to vrazza vulissiru abbrazzari a mia
si li to manu vulissiru accarizzari a mia,
si la to vucca vulissi vasari la mia.

Nuttata di smanii, nuttata d'amuri.

2015 Giuseppe Cardella